



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 26 БАСПАСӨЗ Р Е Л И З І
2009 жылғы 22 қазан**

**Қазақстан Республикасы және Ресей
Федерациясы арасындағы Банкаралық
және инвестициялық ынтымақтастық
жөніндегі шағын комиссияның он бірінші
отырысын өткізу туралы**

2009 жылғы 15-16 қазанда Алматы қаласында Қазақстан Республикасы және Ресей Федерациясы орталық (ұлттық) және коммерциялық банктері, Қазақстан Республикасы Қаржы нарығын және қаржы ұйымдарын реттеу мен қадағалау агенттігі, Қазақстан Республикасы Алматы қаласының өңірлік қаржы орталығының қызметін реттеу агенттігі, Қазақстан Республикасы Қаржы министрлігінің Қаржы мониторингі комитеті, Қазақстан Республикасы Қаржы министрлігінің Кедендік бақылау комитеті, «Қазақстан қаржыгерлерінің қауымдастығы» ЗТБ, Қазақстан Даму Банкі, Еуразиялық даму банкі, «ДАМУ» кәсіпкерлікті дамыту қоры» АҚ, «Бағалы қағаздардың орталық депозитарийі» АҚ, «Қазақстан ипотекалық компаниясы» АҚ, «Бірінші кредиттік бюро» ЖШС, сондай-ақ ЕурАзЭҚ Интеграциялық комитетінің Хатшылығы, Мемлекетаралық банк, Ресей банктерінің қауымдастығы, Мәскеу банкаралық валюталық биржасы, Мәскеу банкаралық валюталық биржасының есеп айырысу палатасы өкілдерінің қатысуымен Қазақстан Республикасы және Ресей Федерациясы арасындағы Банкаралық және инвестициялық ынтымақтастық жөніндегі шағын комиссияның он бірінші отырысы өтті.

Бұл іс-шараның ұйымдастырушысы Қазақстан Республикасының Ұлттық Банкі болды. Шағын комиссияның Қазақстандық бөлігінің тең төрағасы Қазақстан Республикасының Ұлттық Банкі Төрағасының орынбасары Ақышев Данияр Талғатұлы мырза болып табылады, Ресейлік бөліктің тең төрағасы – Ресей Федерациясы Орталық Банкі Төрағасының орынбасары Можайсков Олег Владимирович мырза.

Отырыс барысында Шағын комиссияға қатысушылар өзара ынтымақтастықтың бірқатар мәселелерін талқылады. Коммерциялық банктердің сырттан қаржыландыруды тарту, ішкі қаржыландыру көздеріне ауысу, халықаралық қаржы нарықтарындағы өтімділік дағдарысы жағдайларында сыртқы қарыз алудан тәуелділікті төмендету бойынша тәжірибе алмасу мәселелері талқыланды. Көрсетілген мәселелерді талқылау шеңберінде Тараптар Қазақстан Республикасының және Ресей Федерациясының ұлттық реттеушілері халықаралық қаржы нарықтарындағы өтімділік дағдарысы жағдайларында сыртқы қарыз алудан тәуелділікті төмендету мәселелеріне айрықша мән беретінін атап өтті.

Қазақстан Республикасы Алматы қаласының өңірлік қаржы орталығының қызметін реттеу агенттігі, Мәскеу банкаралық валюталық биржасы, Мәскеу банкаралық валюталық биржасының есеп айырысу палатасы екі елдің қор

нарықтарының даму мәселелері туралы және Қазақстан Республикасы кәсіби қатысушыларының ресейлік бағалы қағаздарға инвестициялауға ықпал ететін шаралар туралы ақпарат берді. Интеграциялық процестерді дамыту мақсатында бірыңғай технологиялық сауда, клирингтік және есеп айырысу кеңістігін құруды болжайтын интеграцияланған биржалық қор нарығын құру мәселелері талқыланды, оның шеңберінде ұлттық валюталарда есеп айырысуларды кеңейту ерекше мәнге ие. Осы мәселені талқылау барысында сондай-ақ қазақстандық инвесторларға ресейлік эмитенттердің бағалы қағаздарын номиналдық ұстау құқығын беру және бағалы қағаздардың түпкілікті ұстаушыларының құқықтарын растау тетігін құру мүмкіндігі қарастырылды. Сонымен қатар, Тараптар дағдарыс жағдайларында ипотекалық нарықты қолдаудың бір тәсілі ретінде ипотекалық кредиттерді қайта қаржыландыру үшін жаңа құралдарды әзірлеу мәселелері бойынша Қазақстан Республикасы мен Ресей Федерациясы арасындағы тәжірибе алмасу ісін жалғастыруға уағдаласты.

Тараптар мемлекетаралық төлемдерді жүргізуді жетілдіру және екі елдің ұлттық валюталардағы ортақ төлемдік-есеп айырысу жүйесін құру мәселелері жөніндегі жұмысқа ерекше көңіл бөлді, оның шеңберінде Қазақстан, Ресей және Белоруссия арасындағы пилоттық жоба ретінде осындай төлемдік-есеп айырысу жүйесін ендіру жөніндегі Мемлекетаралық банктің қызметін қолдауға шешім қабылдады. Сондай-ақ Мәскеу банкаралық валюталық биржаның валюталық нарығындағы операциялар бойынша есеп айырысуларға екінші деңгейдегі банктерді және Қазақстан Республикасының биржаларын тікелей жіберуге ықпал ететін Ресей Федерациясының валютасындағы шоттарды ашу жұмысына назар аударылды.

«Қазақстан қаржыгерлерінің қауымдастығы» ЗТБ және Ресей банктерінің қауымдастығы банк саласындағы өзін-өзі реттейтін ұйым қызметінің құқықтық негізін құру туралы ақпаратпен алмасты және ұлттық реттеушілердің банк саласындағы нормативтік құқықтық актілерді әзірлеуі кезінде Қазақстан мен Ресейдің қаржылық қауымдастықтарын тарту практикасын кеңейтудің мақсатқа сай екендігін атап өтті.

Тараптар сондай-ақ «Бірінші кредиттік бюро» ЖШС-нің және ЕурАзЭҚ Интеграциялық комитетінің ЕурАзЭҚ-на қатысушы мемлекеттер арасында кредиттік ақпаратпен алмасу бойынша мемлекетаралық келісімнің жобасы жөніндегі жұмысы туралы ақпаратпен алмасты.

«ДАМУ» кәсіпкерлікті дамыту қоры» АҚ ауқымды экономикалық дағдарыс кезеңінде Қазақстан Республикасындағы шағын және орта бизнес секторын қолдау туралы, осы мәселедегі екінші деңгейдегі банктердің рөлі туралы ақпаратты ұсынды.

Сонымен қатар отырыс барысында қаржы активтерін құнсыздануды есепке алудағы және бухгалтерлік есепке алуды жетілдірудегі проблемалар туралы ақпарат алмасу, сондай-ақ заңсыз жолмен алынған кірістерді заңдастыруға (жылыстауға) және терроризмді қаржыландыруға қарсы іс-әрекет ету жүйесіндегі орталық (ұлттық) банктердің рөлі туралы ақпарат және тәжірибе алмасу, сондай-ақ Кедендік одақ шеңберінде тауарлардың халықаралық саудасы статистикасын қалыптастыру және Кедендік одақты практикалық іске асыру кезінде экспорттық-импорттық валюталық бақылау саласында ақпарат алмасу орын алды, оның нәтижесінде Тараптар Қазақстан мен Ресейдің төлем баланстарының екіжақты

деректерін салыстыру мәселелері бойынша Қазақстан мен Ресейдің орталық (ұлттық) банктері сарапшыларының жұмыс бабындағы кездесуін ұйымдастыруға уағдаласты.

Тұтастай алғанда, Қазақстан Республикасы және Ресей Федерациясы арасындағы Банкаралық және инвестициялық ынтымақтастық жөніндегі шағын комиссияның он бірінші отырысы жоғары мазмұндық деңгейде өтті және Тараптар қаржылық ынтымақтастықтың қол жеткізген нәтижелеріне қанағаттандырарлық пікір білдірді.